



Universitätsbibliothek Paderborn

Occupatio animae Jesu Christo crvcifixo devote.

Leroy, François

Pragae, 1666

§.3. Quædam eandem in rem observatu digna adduntur.

[urn:nbn:de:hbz:466:1-47123](#)

eū ipse magis derelictus fueris, tanto proprius ad meam accidit similitudinem, & aeterno Patri eris charior. siquidem hac ratione precipui DEI amici probantur.

¶. 3.

Quædam in eandem rem observatu digna adduntur.

AD extremum placet, velut appendicem, ista quæ sequuntur adjicere. *Primum:* Quod de recursu ad Crucifixum in desolatione jam diximus, id pariter ad alterum illud desolatorum exemplar, affectorumq; perfugium, sanctissimam, inquam, Dei Matrem utiliter extendi posse. Juvabit enim te subinde in afflictione tua ad Matrem dolorum hoc ferè pacto configere. Contemplare illam, juxta crucem filij assistentem, mœrore ac luctu oppressam, sed quo filio suo similior evaderet, in summis cordis sui pressuris, absque solatio derelictam; ut jam tacitâ secum cogitatione diceret: *Ne vocetis me Noëmi (id est pulchram) sed vocate me Mara (id est amarâ) quia amaritudine valde replevit me Omnipotens.* Nunquid enim (ut ait ad ejus imitationem nos provocans B. Angela) *MARIA Mater IESU dilectissima, videns dilectum filium suum in cruce pendentem & morientem, periclitum ab ipso dulcedinem aut consolationem?* Certe nequaquam sed angustias ab eo accepit, amaritudinem & dolorem.

Adjunge te illi socium in desolatione sua. Postula & manter, ut quemadmodum dolorum ejus aliquâ ratione es particeps, ita consors existas amoris, & summâ illius cum voluntate divina consensionis, per quam ipsa Virgo (ut ajebat S. Catharina Senensis) facta est scala, quâ Christus ascendit in crucem. *Quod nempe nec ipsa (ut pluribus antea demonstratum est) proprio filio suo pepercit; sed, patris voluntate perspectâ, eum lubens volensq; pro nobis omnibus tradiderit: proindeq; ei (quæ pia est Joannis Thauleri meditatio, innuitq; Christus apud B. Birgittam) gratias fuc-*

*Expl: pass. c.
13.
L.I. Reg. c. 10.*

rit tanto suo destitui solatio; quām, si ei liceret, hominum impēdīre redēptionem. Et quia (ut subiicit idem autor) DEI intelligebat voluntatem, ut unā cum filio suo pateretur, pōnte fēse ad hoc obtulit, etiam mori paratiſſima, unā cum JESU nato suo, pro salute ac redēptione mīferorū.

Aterum quod hīc obſervamus, eſt: hoc capite tradi- tam ſe iſum conſolandi rationem, non facilē cuiquam, quamlibet deſolato, deelle poſſe. Semper enim homini bo- na voluntatis pater recursus ad Crucifixi ſeu brachia ſeu vul- nera, ſempērque copia eſt de Salvatoris fontibus, ſi non lat- giter hauriendi, at ſtillam ſaltem aliquam libandi. Experta hoc eſt B. Lydvina, quae ceteris ſubinde deſtituta diuinis ſo- latijs, in hoc denique ſolo exercitio, doloris ſui remedium atque allevamentum inveniebat. In hunc enim modum ipia de ſe loquitur: *Hoc tamen mibi relīctum eſt, quod vitam Vit. p. 3.c.8.*

& paſſionem amantissimi JESU, avidamente percurro. Nec mi- bi illa ſupererit, meo iudicio, exercitandi facultas, niſi ut dilectū per noctem in lectulo crucis quaoram, & à Patre derelictum abſt. ſpiriū dulcedine aſpiciam, & mente complectar in cruce mori- entem. Sic illa. Quocirca etiam S. Teresia, hoc iſum, pro facili & afflīctis omnibus obvio ſolatio proponebat, di- cens: Si quā erumna aut triftitiā opprimaris, intuere illum Itin. perfett. in horum Gerhſemani abeuntem, & confidē, quantum ille. c. 26.

tunc triftitiam in corde ſuo gereret. Aut reſpice illum ad colu- mnam ligatum, & roto corpore flagellis conciſum, idq; ex vehe- menti amore, quo te proſequitur. Denique reſpice crucem ba- julantem, & ita ſub ea gementem, ut ne ſpiritu quidem attrahere permittatur. Reſpiciet ille vicifim blandis & benignis oculis, ſed lacrymis oppletis, & ſuorum ipſe tormentorum obli- viſetur, quō te in tuis erūmniſ ſoletur.

Postremum: Nullam hac eſſe efficaciorē certiorēm- verationem, obtinendi à Deo opportuni ſolatijs; quām ſi in tua deſolatione, uti dicebamus, plenē atque integrē ei te

S 11

tradas

tradas atque resignes; paratus etiam per omnem vitam (ita ferat ejus voluntas) quocunq; solatio destitui, atque in perpetua ariditate cordis animiq; desolatione vivere, cō quod, ex Christi imitatione, pro unico ac summo solatio tibi sit, per te, in te, & de te, fieri ejus sanctissimam, tibis *parr. terti. p. 2.* acceptissimam voluntatem. Ut enim præclarè Abbas Bl. Iohannes: *Homo resignata voluntatis, qui in quibuslibet tentacionibus, angustijs & doloribus suis, novit amanter fidere Deo, securèq; se & omnia sua paterna providentia illius committere is planè cor DE vulnerat, & ipsum Dominum cogit sibi adiūcere. Quod si forrè Deus eundem ad tempus, aut (quod rarum erit) in vita reliquum, in illa sensuum obnubilatione, aut cordis oppressi defectione destituar, neque eum ullà sensibili (ut ajunt) consolatione recreet, quod ad suam gloriam ejusq; salutem ita fieri conveniat: attamen non omittella bonitas, eum gratiâ suâ ad quandam majestatem generosius patientia, amorēmq; fortem confirmare; ut jam Dominum suum purius diligat, ac plura pro eo pati amet, sicut; eius desolatio, ad dilectionis Dei aliarumq; virtutum solidarum*

*Reg. 3. ad
mot. anim.
discern.*

augmentum proficiat: quod, ex sensu S. Ignatij in Exercitationibus, genus quoddam est veræ atque robustæ consolationis spiritualis. Ut hic jam non addam, quod proximo capite demonstrabitur; ut alia deficiant, grande esse solatum Christum amenti, posse pro dilecto quidpiam suffere, & in paupertate, labore, dolore, derelictione, Domino suo pauperi, afflito, derelicto assimilari. Itaque vir magnus, & in rebus spiritus multum exercitatus S. Franciscus Salesius, negabat etiam in extrema desolatione spiritus, ejus liberationem esse à Deo experendam.

Neque admiratione tantum fortassis, sed etiam imitatione dignum videbitur nonnullis, quibus ad id Deus firmum animi robur addiderit, quod in vita Venerabilis servorum Dei, Mariæ Victoriae, de quadam ipsius spicitali filia commorata

moratur. Quæ cùm ab initio suscepit vitæ religiosæ, in omni suimet abnegatione, vexatione, odio, ac pene ultra modum, versata esset, atque inter ea sanctæ severitatis exercitia, magno jubilo spiritus divinisq; raptibus frueretur, tandem D e o purius serviendi desiderio, in ipsius divinæ Majestatis conspectu, omni in posterum renunciavit gustui spirituali, contenta in reliquam vitam quocunque destitui divino solatio, & (h Deo id allubesceret) non modò quibusvis conflictari externis incommodis, sed etiam in omnimodo spiritus desolatione versari. Atque hanc puram genitatemq; omnis solatij abdicationem D e u s acceptam habuisse visus est. Mox siquidem illam multiplex ægritudo corripuit, unâ cum profunda desolatione spiritus, quæ usque ad extreum vitæ tenuit: D e o interim illam in supremo mentis vertice, solidarum virrutum actibus, præstanti divina bonitatis fiduciâ, excelsô vigore animi, & magno se D e o atq; conjungendi desiderio, roborante dicam an munerant? At post ista lego, sub idem tempus paclum ejusmodi inivisse cum D e o etiam B. Mariam Magdalenam de Pazzie; nempe ut coram illo omni in posterum spirituali gustui seu solatio renunciaret, quod ipse tunc quidem etiâ filius est acceptasse. Sed cùm aliquando nescio quem sensum celestis dulcedinis ipsius animæ divina bonitas imperativisset; confessim cum D e o expostulasse, atque hunc in modum esse conquestam: Hei mihi! quare Domine Deus paclum violas inter nos initum, cùm jam olim pro tui amore, omne etiam celeste solatium, quod in futurum habere possem, abdicavi? Et ante utramque S. Teresia, forte de semetipsa loquens: Novi, inquit, personæ nonnullas, quæ Castell. ani. procedunt in via amoris, prout eas oportet procedere, purè ut mans. 4. c. 2. JESU Christo crucifixo serviant; & non tantum non requirunt ab eo gustus spirituales, eosve desiderant, sed potius ab eo contendunt, ne gustus ejusmodi ipsi largiatur in hac vita. Quales

SSS 2

nos

nos nimurum etiam nonnullas capite superiori retulimus.
Fundamenta hæc in montibus sanctis. Sed tamen superest quod
 his addamus, & quod profundiùs in divinam istam solitudi-
 nem nos penetremus,

CAPVT XII.

Proponitur altissima quadam & absolutissima abnegatio sui, & tanquam apex patientiae Christianæ.

PErfectio Christianæ virtutis, quam isto capite propo-
 nimus, uti sublimissima est & summè ardua, ita paucis
 fortasse cognita, & multis apparebit incredibilis, & supra
 captum ac vires conditionis humanæ: ideoq; pluribus à
 nobis hoc loco exponenda est, & multiplici sive exemplo,
 sive autoritate confirmanda.

§. I.

Tres quasi gradus perfectionis Christianæ, ex S. Ignati Exercitijs.

Let. 4. de S. Ign. Heb- dom. 2. **S**Ignatius Societatis Jesu Fundator, in admirabili (vi-
 cum appellat Ecclesia) Exercitiorum spiritualium libel-
 lo, proponit tres veluti gradus perfectionis Christianæ, quos
 ipse appellat tres modos humilitatis; sive quod per illos
 homo se Deo plenè subiicit; sive quod nominatim ver-
 tentur circa humilitatis materiam, puta paupertatem, ignomi-
 niā, &c. Placet autem ad presentem, sive patientiæ,
 sive abnegationis sui tractatum, ipsa etiam materiā permit-
 tente, translatos, & ipsis quidem S. Patris verbis hoc loco
 subiicere; ut intelligi possit, ad quantam virtutis exaggera-
 tæ sublimitatem, ex tanti Magistri sensu, hominem addu-
 cat sincerus Jesu Christi amor, & desiderium eundem Crucis
 fixum ac derelictum imitandi.

Pr.